

ՖԵԼԻՔՍ ԹՈՒՅԱՆ—Քաղաքացիների սահմանադրական ստատուսի զարգացումը Հայկական ՄՍՀ-ում (1920—1980 թթ.), Երևան, ՀՍՍՀ ԳԱ հրատ., 1987, 192 էջ:

Գրքի երեք գլուխներում վերլուծվում են ՀՍՍՀ առաջին սահմանադրության (1922 թ.) կարևոր իրավական ինստիտուտներից մեկի՝ քաղաքացու սահմանադրական ստատուսի, կազմավորումը, նրա հիմնական օրինալիությունները, ցույց են տրվում սոցիալիստական պետության և քաղաքացու փոխհարաբերությունները, Սովետական Հայաստանում քաղաքացու զլխավոր իրավունքների, ազատությունների, պարտականությունների սոցիալական արժեքն ու նշանակությունը, բացահայտվում են քաղաքացու իրավունքների մարքո-լինիյան աշխարհայացքի պատմական առավելությունները: Տրվում են մարդու իրավունքների պաշտպանության բուրժուական զաղափարախոսության քննադատությունն ու սոցիալիստական հասարակության մեջ սահմանադրական-իրավական ինստիտուտի դեմոկրատական հիմքերն ու մարդասիրական էությունը:

Գիրքն ունի վերջաբան, օգտագործված գրականության ցանկ և ծանոթագրություններ:

Գրքի պատասխանատու խմբագիրն է Վ. Ռ. Նազարյանը:

ՄԿՐՏԻԶ ՊԵՇԻԿՔԱՇԼՅԱՆ — Երկերի լիակատար ժողովածու, Երևան, ՀՍՍՀ ԳԱ հրատ., 1987, 563 էջ:

Առաջին անգամ ընթերցող հասարակայնությանը ներկայացվում է գրող, ուսուցիչ, թատերական ու հանրային գործիչ Մկրտիչ Պեշիկթաշլյանի առ այսօր հայտնի ու մատչելի երկերի լիակատար ժողովածուն, որն ընդգրկում է հեղինակի սիրո, բնության ու հայրենասիրական բանաստեղծությունները, մի քանի թատերգություններ, չորս ճառ և երկու տասնյակի հասնող նամակներ, ինչպես նաև Պեշիկթաշլյանի գրաբար բանաստեղծությունների աշխարհաբար թարգմանությունները (Արշակ Չոպանյանի թարգմանությամբ, «Հավելված» բաժնում):

Ժողովածուում տրված է տարբեր քերթվածների ստեղծագործական պատմության պատկերը՝ ըստ տարբերակների և բնագրային տարբերությունների:

Գիրքն ունի համառոտագրություններ, ծանոթագրություններ, անվանացանկ:

Գրքի պատասխանատու խմբագիրն է Պ. Շ. Հակոբյանը:

ԳԵՎՈՐԳ ՎՈՂՈՍՅԱՆ — Ինֆորմացիայի հավաքման մեթոդները սոցիոլոգիայում, Երևան, ՀՍՍՀ ԳԱ հրատ., 1987, 166 էջ:

Մեթոդական մեջ տրվում է սոցիալական ինֆորմացիայի հավաքման մեթոդների ծավալուն պատկերը: Գրքի հինգ գլուխներում շարադրված են հարցման մեթոդները՝ հարցազրույց, անկետավարում, հեռախոսային հարցում, հարցերի տեսակները և բովանդակությունը, փորձագետների հարցման մեթոդները, սոցիոլոգիական դիտման տեսակները, պլանը, հնարավորությունները, ուսումնասիրված են սոցիոլոգիական փորձերի տեսակները, էությունը, փորձը՝ որպես ինֆորմացիայի հավաքման մեթոդ: Հայրենական և արևմտյան սոցիոլոգիայի փորձից բերված բազմաթիվ օրինակներ, փաստաթղթերի հավաստությունը և հուսալիությունը վերլուծված են հեռանկարալի ուղիների տեսանկյունից:

Գիրքն ունի ամփոփում և ծանոթագրություններ:

Պատասխանատու խմբագիրն է Ա. Ա. Նալչալյանը:

